



UNIVERSITÄTS-
BIBLIOTHEK
PADERBORN

Universitätsbibliothek Paderborn

Septem Illustrium Virorum Poemata

Amstelodami, 1672

De Corvo Bartoldi Nihusii discipulo mortuo.

urn:nbn:de:hbz:466:1-11215

ALEXANDRO POLLINO,

Donum natalitium.

Mentoreos alii donent, POLLINE, labores :
Natali nostro pyxida munus habe.
Forma pyrum simulat : circum violæque colores,
Albaque purpureis mista ligustra rosis.
Aspicis & variis ut aranea floribus audax
Incubat, & fatuus papilionis amor.
Nec tamen inclusam potis est libare medullam,
Et qui sub fulvo spirat odor calyce.
Namque ibi odorifero sudantia balsama ligno,
Dulces Auroræ divitis exuvias,
Et Cilicum messes, & quæ Titanus ales
Cinnama, & extremis munera legit Arabs;
Et nardi felicitas opes, & pinguis amomi,
Composuit miro Pœonis ars studio.
Sic operi contendit odor : cui præstat utrique
Dantis amor, meritis dona minora tuis.

D E C O R V O

Bartoldi Nihusii discipulo mortuo.

Occidit heu Corvus Batavis celeberrimus oris,
Bartoldi longo tempore discipulus.
Nec domino veniente, *καὶς νόβησιν καὶ κωνὸν δὸν,*
Incepit Graio garrulus eloquio.
Vox filet, ac lepidæ cessant convivia linguæ,
Nulla quibus sese composuisset avis.

Non

Non Agrippinæ turdus, non sturnus amores
 Cæsaris, humanos doctus uterque sonos;
 Nec Corvus populi plausu gemituque Latini
 Nobilis, & ducti funeris exequiis.
 At rumpare licet Clotho, quæ fila volucrum,
 Mœonidæ si fas credere, dura secas;
 Carmine vivet adhuc, qualis Melioris alumnus
 Psittacus, & Teii fida columba senis.
 Qualis & exusto celebrata Ciconia nido
 In Batavis pullos morte secuta suos.
 Ut meruit, vos ergò rosâ Permesside Musæ
 Compositum molli condite funus humo:
 Et notum tumulo carmen superaddite: SI QUEM
 NON HODIE, CRAS, CRAS AUFERET ATRA DIES

ALEXANDRO VII
 PONT. OPT. MAX.

Tertium Pontificatus annum feliciter auspicanti.

LÆta dies rediit, qua te Rex ætheris alti,
 SANCTE PATER, magnum misit in imperium:
 Et terris dum pulsa lues, tibi tertius annus
 Illuxit faustis candidus auspiciis.
 Prima fames Latium, Te Principe, liquit, & Urbem
 Externis pavit frugibus alma Ceres.
 Jam nunc Adriacis classis tua juncta carinis,
 Hellepontiacæ claustra refringet aquæ.
 Intereâ sacras voti rea fundit ad aras
 Ingenuo tales pectore Roma preces: